



Na osnovu člana 15. tačka a) Zakona o odbrani BiH ("Službeni glasnik BiH", broj: 88/05), člana 10. i člana 136. Zakona o službi u Oružanim snagama BiH ("Službeni glasnik BiH", broj: 88/05, 53/07, 59/09, 74/10, 42/12, 41/16 i 38/18) i člana 15. stav (4) Pravilnika o prijemu u vojnu službu ("Službeni glasnik BiH", broj: broj: 23/18, 42/21 i 54/22), objavljuje

JAVNI POZIV

za prijem oficira -ljekara i oficira sanitetske službe (komandira) u profesionalnu vojnu službu

Član 1. (Predmet)

Predmet Javnog poziva je prijem 8 (osam) oficira - ljekara i 6 (šest) oficira sanitetske službe (komandir) u profesionalnu vojnu službu u Oružane snage Bosne i Hercegovini.

Član 2. (Upraznjena formacijska mjesta oficira)

(1) Prijem oficira iz reda bošnjačkog naroda objavljuje se za službu po lokacijama:

R/b	Služba	Lokacija	Broj izvršilaca	Stručna sprema	Posebni uslovi
1	Sanitetska služba	Sarajevo	1	VMA (VA) ili VSS VII stepen ili PCS-smjer medicinski	Medicinski fakultet-opšti smjer, ljekar
2			1		
3		Čapljina	1		Zdravstveni fakultet/Visoka medicinska škola.
4		Sarajevo	1		
5		Laktaši	1		
6		Banja Luka	1		

2) Prijem oficira iz reda hrvatskog naroda objavljuje se za službu po lokacijama:

R/b	Služba	Lokacija	Broj izvršilaca	Stručna sprema	Posebni uslovi
1	Sanitetska služba	Sarajevo	1	VMA (VA) ili VSS VII stepen ili PCS-smjer medicinski	Medicinski fakultet-opšti smjer, ljekar
2		Čapljina	1		Zdravstveni fakultet/Visoka medicinska škola.
3		Čapljina	1		

3) Prijem oficira iz reda srpskog naroda objavljuje se za službu po lokacijama:

R/b	Služba	Lokacija	Broj izvršilaca	Stručna sprema	Posebni uslovi
1	Sanitetska služba	Laktaši	1	VMA (VA) ili VSS VII stepen ili PCS-smjer medicinski	Medicinski fakultet-opšti smjer, ljekar
2		Banja Luka	1		
3		Sarajevo	1		
4		Tuzla	1		
5		Banja Luka	1		Zdravstveni fakultet/Visoka medicinska škola.

Član 3. **(Potrebna dokumentacija)**

(1) Opšti uslovi prijema regulisani su članom 9. Zakona o službi u Oružanim snagama BiH ("Službeni glasnik BiH", broj: 88/05, 53/07, 59/09, 74/10, 42/12, 41/16 i 38/18).

(2) Kao dokaz ispunjavanja opštih i posebnih uslova, kandidati uz prijavu za prijem u vojnu službu sa biografijom, dostavljaju i sljedeću dokumentaciju:

- a) uvjerenje o državljanstvu ne starije od 6 mjeseci;
- b) izvod iz matične knjige rođenih;
- c) dokaz o prebivalištu izdat od nadležnog organa ne stariji od 3 mjeseca;
- d) svjedočanstvo, diplomu, uvjerenje o stečenoj stručnoj spremi ne starije od godinu dana ili dokaz o nostrifikaciji, odnosno akt nadležnog organa u BiH da diploma ne podliježe nostrifikaciji, za diplome koje nisu stečene u BiH, uz utvrđen ekvivalent stručne spreme prema konkursom ili oglasom zahtijevanom stepenu školske spreme;
- e) ovjerenu izjavu da lice nije prethodno otpušteno iz državne službe ili pravnog lica zbog povrede službene dužnosti u posljednje tri godine.

(3) Uvjerenje o nekažnjavanju i Uvjerenje da se ne vodi krivični postupak MO BiH pribavlja službenim putem od nadležnih institucija u procesu vršenja sigurnosnih provjera, u skladu sa Zakonom o zaštiti tajnih podataka.

(4) Dokumentacija iz stava (2) ovog člana dostavlja se u originalu ili ovjerenoj kopiji.

Član 4. **(Izbor kandidata)**

(1) Izbor kandidata i prijedlog za njihovo upućivanje na zdravstveni pregled, osnovnu oficirsku obuku i prijem u profesionalnu vojnu službu će izvršiti Komisija imenovana od strane ministra odbrane.

(2) Izbor kandidata provešće se u skladu sa Pravilnikom o prijemu u vojnu službu ("Službeni glasnik BiH", broj: 23/18, 42/21 i 54/22).

(3) Sa kandidatima koji budu izabrani za osnovnu oficirsku obuku potpisuje se ugovor za osnovnu oficirsku obuku.

Član 5.
(Ostalo)

- (1) Na Javni poziv mogu se prijaviti kandidati koji u vrijeme prijema u OS BiH, 29. mart 2024. godine nisu stariji od 32 (tridesetdvije) godine.
- (2) Prijave, sa propisanom dokumentacijom, dostaviti preporučeno putem pošte na adresu Ministarstvo odbrane Bosne i Hercegovine, Hamdije Kreševljakovića 98 sa naznakom "**Javni poziv za prijem oficira - ljekara i oficira sanitetske službe (komandira) u PVS**".
- (3) Javni poziv otvoren je do 18.01.2024. godine.
- (4) Neblagovremene prijave neće se uzimati u razmatranje.

Broj: 10-34-1-2568-3/23
Sarajevo, 03.01.2024. godine

MINISTAR

Zukan Helez